



Universitätsbibliothek Paderborn

De Ervditione Religiosorvm

Humbertus <de Romanis>

Ingolstadii, 1591

VD16 H 5888

1. Diabolus mendacijs multùm vtitur; & Quorundam mendaciorum specificatio.

[urn:nbn:de:hbz:466:1-50980](https://nbn-resolving.de/urn:nbn:de:hbz:466:1-50980)

TERTIA PARS HVIVS LIBRI TRIA
in se habet capita. In quorum primo dicitur, quod diabolus mendaciis multum vtitur: & aliqua mendacia specificantur.

CAPVT I.

CIRCA modos impugnandi quos diabolus habet est notandum, quod diabolus multum vtitur mendaciis tentando. Ipse mendax est & pater eius. Mendacio usus est; *Ioan. 8.* tentando mulierem, cum ait: Nequaquam morienni. Item tentando Saluatorem: Hæc omnia tibi dabo, si cadens adoraueris me. *Matthæi 4.* Illi, qui est in peccato, promittit longam vitam, ut differat venire ad poenitentiam. Hæc est promissio nequissima, quæ multos perdidit, *Ecclesiastici 29.* Cum pater cœlestis tempora & momenta in sua, non in diaboli potestate posuerit, valde fatuus est, qui credit diabolo de sua futura vita disponenti. Valde fatuum est credere mendacio illi, quo diabolus plus quam centum millia hominum duxit ad infernum. Dicebat enim eis: bene adhuc facietis poenitentiam: & voluntatem & spem habebant faciendi eam: nunc vero in inferno sunt, & non possunt facere eam. Licet Deus peccatori, si poenituerit, promittat peccatorum remissionem: tamen non promittit ei crastinum diem. Illi qui poenitentiam assumpsit, nititur diabolus suadere, ut abiiciat onus poenitentiae. Ad quod multis fraudibus vtitur. Primo, mentitur exonerationem,

tionem , quod non est exoneratio , sed leuis oneris in grauissimum onus commutatio : vt fæstucæ in trabem vel montem . Vnde ille qui tentatur , debet dicere tentanti : Si hoc onus deposuerò , nunquid sine onere ero ? Cui quæstionis planè respondere voluerit , dicere poterit : Imponetur super te mons magnus , scilicet infernalis pœna , monte grauior , Apocalyp . 6 . Dicen montibus , cadite super nos , & abscondite nos facie sedentis super thronum , & ab ira agni quoniam venit dies magnus iræ ipsorum , Bonum est ergo leue onus ferre , vttantum onus possimus vitare . Non mittam aliud pondus super vos : tamen id quod habetis tenete . Secundò , ea quæ diuifim portanda sunt , simul ostendit , dicens : Quomodo hoc possis portare tu annis ? Cui dicendum est : Hoc hodie cum Dei adiutorio portabo : & cras tantundem portabo leuius cum Dei adiutorio , propter assuetudinem . Sic ubi fallit compositio soluit diuifus Matthæi 6 . Sufficit diei malitia sua . Tertiò , virtutem hominis à Dei virtute diuidit , dicens : Tu debilis es , nullo modo posses hoc portare . Cui dicendum est : Si intelligis , mea virtute sola , dicas verum : cùm scriptum sit Ioan . 15 . Sine me nihil potestis facere : si vero intelligis , quod non possim Dei virtute adiutus , euidens est mendacium . Confidimus in Domino Iesu , quoniam qui cœpit in nobis bonum opus , perficiat . Omnia possum in eo qui me confortat . Quartò , spoliationem mentitur exoneratione . sicut quando latro simplicem scholarem exonerat cappa sua . Aurum vel lapides pretiosos debet repu-

Apoc. 2.

Phil. 1.

Ibid. 4.

reputare poenitentiam, quam tibi vult auferre.
 Vnde debes eum cauere, sicut spoliatorem rei
 pretiosissimæ. Suadeo tibi à me emere aurum. *Apoc. 3.*
 Aurum emere, est fructū poenitentiæ preparare.
 Quintò, querit pondus diminuere, ad quod cœ-
 leste gaudiū tibi tradendum est. Id quod in præ- *2. Cor. 4.*
 senti est momentaneum, & leue tribulationis
 nostræ, supra modum in sublimitate æternum
 gloriæ pondus operatur in nobis.

De quatuor temptationibus diaboli.

C A P V T II.

MUltiplicem diaboli temptationem ostendit Bernardus, loquens de illo verbo: Scuto *Serm. 5. ſu-*
circundabit te veritas eius, non timebis, &c. per Psal.
 Sunt, inquit, quatuor temptationes, in quibus vn- qui habi-
 dig̃ circundati, necesse habemus scuto Domini *tat. à me-*
circundari ante & retro : à dextris & à finistris. dio.
 Timor afflictionis nocturnus & planè tenebro-
 sus: quia abscondit ab oculis, quod non sunt
 condignæ passiones huius temporis ad futu-
 ram gloriam, quæ reuelabitur in nobis: sed fa-
 cile hunc radius veritatis exuperat. Ingerit e-
 nim oculis cordis nunc peccata quæ fecimus,
 nunc æterna supplicia, nunc æterna præmia,
 nunc ea quæ pro nobis pertulit Christus. Ad lu-
 cem ergo tam multiplicis veritatis nox recessit.
 Sed time sagittam, quæ in die leuiter volans,
 non leue vulnus infligit. Hæc sagitta est vana
 gloria, quam oportet cauere feruentiores: ne
 deserant scutum veritatis. Quid enim tam con-
 trarium veritati? Et subdit: Primò à finistris pul-
 sat diabolus pusillanimitate; deinde à dextris,

H 3

huma-